

sent'; Vel ut vulgo dicitur *dando filum*, id est quod pro reductione ædificiorū, ad magis rectas lineas, melioreque simetria, detur facultas ædificare volentibus, ut iuxta præfinitas lineas, aliquam partem viæ publicæ occupare possint, dum ita ab ea parte situs priuati, qui dimittitur, compensatio refutare solet. I

1. tis. de seruitut. dis. 5.



### De Agriculturæ consulibus, & Tribunali.

S V M M A R I V M .

- 1 **D**E introductione istius Tribunalis, eiusque statutis.
- 2 Ex quibus istud tribunal constituantur.
- 3 De Assessore ordinario, vel extraordinaire.
- 4 Non datur appellatio, sed remissio.
- 5 Per Statuta determinantur multi casus controversiarum.
- 6 De personis certis, & huic tribunali subiectis.
- 7 De modo procedendi intrâ, & extrâ districtum.
- 8 De alijs officialibus nempè defensoribus, & Consiliarijs.
- 9 De eoderz de quo num. 6. & quando personæ dicantur addicte.
- 10 Quod agricultura sit ars nobilis que non derogat nobilitati.
- 11 De plerisque alijs paruis iudicibus, & tribunali bus artium.
- 12 Quare hoc tribunal agriculturæ innofescat, etiam classicis curialibus.

### D I S C . XXXIX.

**D**instar Ædilium Curulum, de quibus actum est *disc precedenti*, antiqua Republica Romanorum, alios habebat Aediles Generales nuncupatos, qui pro publica annona, agriculturæ confowendæ, & ampliandæ, curam haberent; Isto autem Magistratu intermisso, vt de omnibus alijs eiusdem Reipublicæ cum Imperij dissolutione sequutum fuit, adeòvt in obliuionem abiisset, ex Pontificum, vel Romani Populi cura, iure priuato Ciuitatis potius, quam publico principatus, illę innovatus fuit, pro Urbis scilicet territorio seu districtu, quibusdam tractu temporis desuper ordinatis statutis, pontificia auctoritate roboratis, quæ in volumen redacta, etiam cum aliquibus glossis habentur, illaque vim legis habent in ijs, quæ istam rem agrariam, omniaque alia ad agriculturam pertinentia, respiciunt.

Constituitur autem istud Tribunal, per quatuor Consules, qui ut plurimum sunt ciues, vel incolæ Romani, nobiles, seu valde ciuiles, in hac arte periti; Vel quia rem, seu negotiationem agrariam agant; Vel quia causalia possideant, adeòvt in hac re versati sint; Eorumque mutatio ad formam statutorum, crebra seu frequens est, (quando alias Papa non mandet), quoniam singulo quoque trimestri duo mutantur, vt illi, qui de nouo assumuntur, instruantur per duos ex antiquis qui remanent intrâ nouum trimestre, quo finito, isti noui remanent antiqui, & sic successiue, adeòvt singulorum duratio, sit per sex menses.

Habent isti Consules, pro cœcidendis controversijs judicialibus cum sententijs, vel decretis, Assessorem, qui est togatus curialis, de cuius voto proceditur; Ac etiam proprium Notarium, cum officio particulari ad id deputato; Et quando Assessor recusat, assumitur alter Consultor, Aduocatus, vel causarum Patronus, & quandoque etiam Praelatus pro libito Consulm, & pro causarum qualitate, eo modo quo de foro capitolino est dictum.

A sententijs, vel interloquutionibus P.z. Relatio Dd non

nondatur appellatio, sed quædam reuilio intra certum terminum, iuxta formam à statutis præfinitam, atque ad hunc effectum assumentur alter Assessor particularis ut supra.

Per eadem verò Statuta, penè omnes casus determinati sunt, circa modum aestimandi damna data, super quibus frequentiores controvërsiae esse solent; Siue super modis, ac temporibus sumendi pascua, seu colendi casalia, & tenutas conductas; Ac super obligatione domini animalium, ex conventionibus factis per illum ministrum qui *Vergarius* dicitur; Vel super facultate retinendi animalia, pro pretio pascuorum; Aut super potioritate in eisdem animalibus, aut in alijs fructibus pro pensione fundi seu terreni; Necnon super mercedibus famulorum; Velsuper temporibus, in quibus isti conducantur, vel conducti censeantur; Aut quod unus non possit conducere famulos alterius, sine eius consensu, cum alijs ad rem facientibus.

Designantur etiam in eisdem Statutis genera personarum, quæ sint huic Tribunalis subiecti, dum non veniunt solum illæ personæ, quæ vacant rei agrariæ, seu circa animalia eorumque fructus, sed etiam carbonarij, & plures alij, qui circa rem rusticam versantur, quorum notitia facilis est ex corundem Statutorum lectura.

Propterea etiam præscribitur modus citandi & procedendi, ac etiam exequendi, cum distinctione modi procedendi, intra districtum, & extra, respectivæ.

Vltra Consules, adiunguntur plures alij, qui quoddam consilium constituere videntur magis generale, adeo ut dignosci videatur ea forma, quæ habetur in regmine bene regulatarum Communitatum; quod scilicet adest Magistratus brevior, qui habet administrationem actualē; Et alter maior seu magis numerosus, qui habet habitualem, ac populum repræsentat; Ita à pari dum ultra quatuor Consules, adiungunt etiam alij quatuor officiales qui defensores appellantur, ac etiam alij tresdecim in hac arte periti, tanquam consiliarij.

Quamvis autem describantur genera personarum, quæ agriculturæ addicti, seu vacare dicuntur, ideoque huic Tribunalis subiecti; Attamen iuxta regulas iuris communis, quas habemus in omnibus aliarum artium universitatibus, ac subiecti eorum iudicibus vel Consulibus, siue pro taxis & collectis, vel ad alias effectus favorabiles priuilegiorum, ac exceptionem, intelligitur quatenus formiter pro maiori parte vita sint illi exercitio addicti, vt alibi aduertitur. A

Illud autem considerabile videtur, quod ex huiusmodi Statutis, ab antiquo ordinatis resultat, quod scilicet ista vocatur ars nobilis, dum etiam iuxta regulas iuris (vt alibi in materia præminentiarū insinuat B) agricultura quādō fiat in re propria, est compatibilis cū nobilitate, eiq; non derogat; Quod tamen pro regionum seu locorum moribus intelligendum videtur, cum in hac materia nobilitatis, locorum consuetudo seu communis hominum opinio principaliiter attendenda veniat.

Ad instar huius Tribunalis, ferè omnes artes, vel mechanicæ professiones, & industria, habent suas universitates, cū aliquibus legibus, vel statutis, suoque Consules, cum iudice, seu Assessore, & cum aliqua iurisdictione, seu facultate procedendi in aliquibus causis brevioribus, ad illam artem pertinentibus, adeo ut infinitus penè videatur numerus huiusmodi iudicium, & paruorum Tribunalium, quæ tamen penè ignota sunt, nullamque figuram faciunt, ideoque congrua non videntur huic relationi, quæ ad exterorum informationem principaliter ordinata est, nimiamque prolixitatem seu euagationem penè inutilem id redolere; Potissimum quia classici Curialibus ista penitus ignota videntur; Benè tamen innotescit dictum Tribunal agriculturæ; Velix dicta ratione, quod ipsi frequenter deputari solent Assessores causarum particularium; Vel quia contingit aliquando agi de subtilibus, & altis quæstionibus iuris; Puta in concursu creditorum, occasione potioritatis; Aut quando sata cedant solo; Siue an conductor

A. tit.de Regal. disc. 98. & tit. de iurisdictione disc. 33.  
B. tit.de præminent. disc. 32. & seqq.

ctor potuerit aliquid agere, cū similibus, super quibus etiā classici, ac primi ordinis Aduocati, & causarum Patroni, quædoque scribere solent.

C. tit.de locato; & conducto, & tit. de credito, & debito.



De Præfectis Annonæ, & Græcie; Acciā de Præsidibus Dohanarum, Riparum, & Zecchæ.

### S V M M A R I V M.

- 1 **D**E præsidibus viarum, & carcerum remissiæ.
- 2 De Præfectura annonæ ut incumbat Ciuitati.
- 3 In Urbe secus quia incumbit uni ex Clericis Cameræ.
- 4 De Bulla Pistorum, & istorum priuilegiis.
- 5 De Congregatione annonæ.
- 6 An annona gaudeat priuilegijs suis super exemptione gabellarum.
- 7 De Præfecto græcie.
- 8 De Præfide dohanarum.
- 9 Camera est iudex appellationis ab omnibus his Præsidibus, vel Præfectis.
- 10 De Præfide riparum.
- 11 De Camerario riparum.
- 12 De Præfide Zecchæ monetarum.
- 13 De Præfide Archiuji.

- P. 2. Relat. D d 2 Prout
- A. disc. 33.
  - B. disc. 38.
  - C. disc. 29.
  - D. tit.de Regal. disc. 44. & 45. & 125.

### D I S C . X L.

Gendo supra de Tribunalis Cameræ Apostolicæ cōstituto ex duodecim Prælatis, qui Clerici nuncupantur, A, mentio habita est huiusmodi Præfe-

tarum, & Præsidatum, qui singulis annis distribuuntur inter ipsos Clericos; De Præsidatu autem viarum aliquid insinuatum est supra agendo de Tribunalis Aediliū seu Magistrorum viarum B; Et de altero Præside carcerum, pariter mentione habita est supra agendo de Congregatione Visitationis carceratorum C; Quare de alijs in præsenti agendo.

Quatenus pertinet ad Præstum Annonæ, qui unus ex Cameræ Clericis esse solet, pro frequentiori autem praxi, non

- 2 cadit sub annuali extractione aliorum officialium, sed per Papam ad libitum deputari solet, eo quia requiri videatur quædam personæ industria, majorque aptitudo; De iure administratio Annonæ Ciuitatis, ipsimet Ciuitati vel populo, eiusque magistratu ordinario communis, vel particulari huius rei annonariae seu publicæ abundantia incumbit D; Talisque erat etiam in Urbe antiqua praxis, quæ immutationem recepit, sub Gregorio XIII., qui eam commisit uni ex Clericis Cameræ, sub Præfecturæ nomine seu vocabulo, & cum iurisdictione in omnibus causis, quæ hanc materiam concernant, tam pro conseruatione, & augmentatione agriculturæ, ex qua annonæ utilitas pendet, quam etiam super cura & vigilancia, ne triticum aliisque fruges extrahantur, siue de loco ad locum, præter bannimenta, & ordinationes asportentur, ac etiam super necessitate denunciandi quantitatem, & qualitatem frumenti, aliarumque frugum recollectarum; Siue inuigilando, ne fiant dardanariæ, seu monoplia, aut illæ emptiones notabiles, ad mercaturam, quæ incertæ vulgo dicuntur, ex quibus monoplia resultare solent.